

**Tractatus Iuridico-Politicus De Iure Superioritatis Ac
Summa Potestate Rom. Pontificis**

Wesseling, Hermann

Coloniæ Agrippinæ, 1662

8. De jurisdictione Summi Pontificis circa judicium controversarium fidei.

[urn:nbn:de:hbz:466:1-64514](#)

movetur, ut non etiam Apostolicæ Sanctitati, id est, Summo Pontifici innotesceret, d. l. inter claras, §. reddentes. Vide *Aurifod. verb. Ius Canon.*

C A P. VIII.

*De Jurisdictione Summi Pontif. circa
Iudicium Controversiarum Fidei.*

Quamvis Imperatori permissum fuerit, quæ sit recta Christianorum fides, subiutus edocere, ac de religione commonefacere, leg. docere, 3. C. de summ. Trinit. Et tardos Episcopos, & Ecclesiarum defensores officii sui admonere, *Novell. 133. cap. 5.* Judicium tamen de doctrina fidei est penes Episcopos venerandæ Sedis Summi Apostoli Petri, non penes Imperatorem, vel Reges Christianos: Nam à condito ævo auditum non est, judicium Ecclesiæ ab Imperatore auctoritatem suam accepisse. Neque Scriptura Sacra potest esse judex controversiarum fidei, quia judex debet omnino certam in causa ferre sententiam, §. curare, 33. inst. de action. i. 1. & 2. Cod. de sent. que sine cert. Hoc autem non facit

S. Scri-

S. Scriptura, quæ nullibi in specie damnat horum, vel istorum errores. Unde patet, Principes in suis regnis non esse legitimos fidei judices, in re quippe civili exploratum est, Regem in suo regno non habere exteriorem jurisdictionem, nec esse in suo regno supra Episcopos, & Pontificem, id est, Regem esse supremum judicem Ecclesiasticum, qui sua auctoritate à nullo alio in terris dependente possit convocare Synodos, iis præsidere, controversias circa fidem, & religionem iis dirimere, beneficia conferre, Episcopos constituere, & depoñere, & similes actus religionis exercere, text. est in Novell. 12. 3. c. 21. §. 2. Ius vero conyocandi Universalis Concilii ad Summum Pontificem tanquam omnium primum pertinet. Licet enim Imperatores hoc sibi juris conyocandi Concilium Universale antiquitus tribuere voluerint, leg. nema, 4. C. de Summ. Trin. Tamen Valentianus senior Catholicus Imperator rogatus ab Episcopis, ut Synodus convo caretur, respondit: Sibi, qui unus è Lai corum numero esset, non licere ejusmodi se negotiis interponere. Et ideo Sacerdotes, & Episcopi, quibus hæc curæ sunt,

C 6 scorsim

scorsim per se convenient, Zozomen. in
tripartita lib. 4. c. 14. de vit. Constantin. Et
Novell. 123. de Sanctiss. Episc. c. 10. Iubemus,
inquit Imp. unumquemque Beatum Archie-
piscopum. & Patriarcham. & Metropolitam
Sanctissimos Episcopos sub se constitutos in
eadem provincia semel, aut secundò per sin-
gulos annos ad se convocare, & omnes cau-
sas subtiliter examinare, quas Episcopi, aut
Clerici, aut Monachi ad invicem habeant,
easque disponere, & super hoc, quicquid ex-
tra Regulas à quaeunque persona delinqui-
tur, emendare. Suscipimus autem sancta 4.
Concilia, sicut Sacras literas, id est, 318.
Sanctorum Patrum, qui in Nicæna urbe
congregati fuerunt, & 150. Sanctorum Pa-
trum, qui in Regia urbe Constantinopo-
litana convenerunt, & 200. SS. Patrum,
qui in Epheso primo congregati, & 630.
SS. Patrum, qui in Chalcedone convene-
runt, &c. ait text. in d. l. inter claras, §. 3. &
6. Cod. de Summ. Trinit. Hisce autem uni-
versalibus, seu oecumenicis Conciliis Ec-
clesiastici interesse debent, ut penes hos
solos, non autem apud Imperatorem, vel
laicos sit judicium, ac diffiniendi facultas,
leg. omni innovatione, 6. Cod. de SS. Eccles.

P. II

Q.

& in Novell. 123. c. 21. si, inquit Imp. Ecclesiasticum negotium sit, nullam communio-
nem habento civiles Magistratus cum ea
disceptatione, sed religiosissimi Episcopi se-
tundum Sacros Canones finem imponunto
Ubi Imperator expressè decernit, Politici-
cos, & seculares Principes non debere ad-
esse, multo minùs præsidere in negotiis, &
disceptationibus Ecclesiasticis, quia vult in
ea re servari Sacros Canones, quibus cau-
tum est, ut Episcopi, non autem Principes
tractent controversias ad Ecclesiam perti-
nentes. Et text. in l. inter claras, 8. in pr. C.
de Summ. Trinit. Inter claras, inquit, Sa-
pientiae, ac mansuetudinis vestrae laudes,
Christianissime Principum, puriore luce tan-
quam aliquod sydus irradiat, quod amore
fidei, quod charitatis studio edocti Ecclesia-
sticis disciplinis Romana Sedis reverentiam
conservatis, & ei cuncta subiicit, & ad eius
deducitis unitatem. Et Novell. 6. quomod-
oport. prin. Ubi dicitur Sacerdotium divi-
nis Ministrare, Imperium verò humanis
præsidere. Et licet olim ait Duaren. ipse in
Prefat. de Sacr. Eccles. Minist. Negli-
gentibus Episcopis, ac Sacerdotibus leges ple-
rumque ad gubernationem Ecclesiarum,

&

& ritus Ecclesiasticos pertinentes ferrent, tamen ea veneratione Sacros illos Canones prosequebantur, ut ab eorum præscripto vix unquam sibi deflextendum esse dicerent. Et Iustinianus noster disertè ait, se ita leges scribere, ut Sacros Canones imitentur. Sed eò malitiæ mundus devenit, ut plurimi quoque Principes suos fidei judices constituant, falsò putantes, hoc juri divino fore consentaneum: Nam docent, & suos juramento fateri cogunt, Principes seculares esse in regnis suis, atque domiciliis supra Ecclesiæ capita:

C A P. IX.

*De Jurisdictione, & Authoritate
Summi Pontificis circa fo-
rum causarum.*

TAmetsi ex dictis sufficienter pateat, personas Ecclesiasticas non esse trahendas ad judicium seculare, sed causas Ecclesiasticas ab Ecclesiasticis, & Laicorum à secularibus dijudicandas, ac decidendas, per text. *in Novell. 123. cap. 21. §. 2.* Quia tamen leges de foro Clericorum nonni-